

Росуллоҳнинг намозларини васфи

﴿ كيفية صلاة النبي صلى الله عليه وسلم ﴾

[أوزبكي - Uzbek - Ўзбек]

Абдулазиз ибн Абдуллоҳ ибн Боз

2009 - 1430

islamhouse.com

﴿ كيفية صلاة النبي صلى الله عليه وسلم ﴾

« باللغة الأوزبكية »

عبد العزيز بن عبد الله بن باز

2009 - 1430

islamhouse.com

Расулуллох саллаллоху алайхи ва саллам ўқиган намознинг
сифати

Муаллиф Мухаммад бин Солех ал-Усаймин

Мукаддима

Барча хамду санолар Аллохнингдур, унга хамд айтамиз, ва ундан мадад сўраймиз хамда гуноҳларимизни кечишини сўраймиз, нафсимизнинг шумлигидан ва амалларимизнинг ёмонлигидан Аллохдан паноҳ сўраймиз. Аллох хидоятлаган кишини адаштирувчи йўк, Аллох адаштирган кишини хидоятловчи йўк. Шериксиз ёлғиз Аллохдан ўзга ҳақли маъбуд йўк эканига гувоҳлик бераман ва Мухаммад унинг бандаси ва элчиси деб гувоҳлик бераман.

Сўнгра... Бу Расулуллоҳ саллаллоҳу алайҳи ва салламнинг намозини сифати.

Биринчи: Намоз ўқиш учун турганигда бундай эътиқодда бўлгин; Гўёки сен Аллох азза ва жалланинг каршисида турибсан, ул Зотдан ҳеч нарсани яшириб бўлмайдисан, У кўнгида кечаётган нарсани хам биласан. Сен мана шу шуъур билан жисминг намоз билан машгул бўлгани каби, калбингни хам намоз билан машгул қил. Баданинг Аллох таъоло буюрган қиблага юзлангани каби калбинг хам Аллохга юзлансин. Баданинг Аллох буюрган томонга юзланса-ю калбинг гафлатда бўлса бу жуда катта камчиликдир. Баъзи уламолар: агар васвасалар –ҳаёлнинг кочиши ёки калбинг гафлатда бўлиши- намознинг кўпроқ қисмида бўлса намоз ботил бўлади – дейдилар. Албатта бундан эҳтиёт бўлиш керак.

Намоз ўқишга юзланган вақтингда Аллохга юзланиб турибман деб тасаввур қил.

Намоз ўқишга турган пайтингда Аллохга муножот қилмоқдаман деган эътиқодда бўл. Расулуллоҳ саллаллоҳу алайҳи ва саллам дедилар: «Сизлардан бирингиз намоз ўқимок учун турса, у роббисига муножот қилади». Бухорий ривояти.

Намозга турган вақтингда Аллох таъоло каршимда турибди деб тасаввур қил, бироқ у сен турган ерда эмас, балки, аршнинг устида бўлгани холида сенинг каршингдадир. Бу Аллох учун оғир эмас. Аллох таъоло барча сифатларида мислсиз яққа-яғонадир. У аршнинг устида, намоз ўқиш учун турган пайтда намоз ўқувчининг каршисидадир. Шундагина калбинг Аллохнинг таъзими, мухаббати ва унга яқинлик билан тўлган холда намозга кирасан.

«Аллоҳу акбар» деб такбир айтасан. Такбир айтаётган холда кўлингни елканг ёки икки кулогинг юмшоғи каршисига қўтарасан.

Куйидаги ҳадисга биноан ўнг кўлингни чап билагинг устига қўясан. Сахиул-бухорийда ворид бўлган ҳадисда Саҳл ибн Саъд деди: «**Одамлар намозда, киши ўнг кўлини чап билагининг устига қўйишга буюрилар эдилар**» Бухорий ривояти.

Кейин бошингни куйи қиласан, юкорига қўтармайсан. Чунки, Расулуллоҳ саллаллоҳу алайҳи ва саллам «**Намозда кўзини осмонга каратишдан қайтардилар**» Бухорий ривояти.

Расулуллоҳ саллаллоҳу алайҳи ва салламнинг бу борадаги сўзи жуда каттик бўлган, ҳатто шундай деганлар: «**Намозда кўзларини осмонга карктаётган кишилар бундан тийиладилар ёки кўзлари уларга қайтмай қолади**» Бухорий ва Муслим ривояти.

Шунинг учун хам аҳли илмларнинг баъзиси намоз ўқувчининг кўзини осмонга каратиши харом эканлигини айтганлар, бу жуда ўринли сўз. Чунки, унинг ҳаққида ваъид (яъни ёмон оқибат ва жазо) ворид бўлган хар-бир нарса харомдир.

Демак уламолар айтганидек кўзингни пастга каратиб, бошингни куйи қиласан, иягинг кўкрагингга тегиб қолмасин. Кейин кириш дуосини ўқийсан;

«اللَّهُمَّ بَاعِدْ بَيْنِي وَبَيْنَ خَطَايَايَ كَمَا بَاعَدْتَ بَيْنَ الْمَشْرِقِ وَالْمَغْرِبِ، اللَّهُمَّ نَقِّنِي مِنْ خَطَايَايَ كَمَا يُنَقَّى التَّوْبُ الْأَبْيَضُ مِنَ الدَّنَسِ، اللَّهُمَّ اغْسِلْنِي بِالْمَاءِ وَالتَّلْجِ وَالْبَرَدِ»

«Аллохумма боъид байний ва байна хотояая камаа боъадта байнал-машрики вал-магриби, Аллохумма наккиний мин хотояая камаа юнаккос-савбул абызу минад-данас, Аллохумма игсилний мин хотояая бил-мои вас-салжи вал-барад» Бухорий ва Муслим ривояти. Маъноси: «Эй Аллох мен билан хатоларим ўртасини магриб ва машрик ўртасини узоклаштирганинг каби узоклаштир. Эй Аллох ок кийим кирдан тоза бўлгани каби мени хатолардан тоза эт. Эй Аллох мени хатоларимдан сув, кор ва дўл билан ювгин. Абу Хурайра пайгамбар саллаллоху алайхи ва салламдан : Эй Расулуллох такбир билан кироат ўртасидаги сукутингизда нима дейсиз ? – деб сўраганида ул зот юкоридаги дуони зикр килганлар. Юкорида зикр килинган дуонинг ўрнига бу дуони ўкиса хам бўлади:

«سُبْحَانَكَ اللَّهُمَّ وَبِحَمْدِكَ، وَتَبَارَكَ اسْمُكَ وَتَعَالَى جَدُّكَ، وَلَا إِلَهَ غَيْرُكَ»:

«Субханакаллохумма ва бихамдика, ва табаро касмука, ва таъала жаддука ва ла илаха гойрука» Абу Довуд ривояти. Маъноси: «Эй Аллох мен сени (барча камчиликлардан) поклайман, сенга хамдинг билан тасбех айтаман, сенинг исминг муборак бўлди ва сендан ўзга хакли маъбуд йўк».

Тунги намоз (тахажжуд)да Расулуллох саллаллоху алайхи ва саллам ўкиган ушбу дуони ўкийди:

«اللَّهُمَّ رَبَّ جِبْرَائِيلَ وَرَبَّ مِيكَائِيلَ وَاسْرَافِيلَ، فَاطِرَ السَّمَوَاتِ وَالْأَرْضِ، عَالِمَ الْغَيْبِ وَالشَّهَادَةِ، أَنْتَ تَحْكُمُ بَيْنَ عِبَادِكَ فِيمَا كَانُوا فِيهِ يَخْتَلِفُونَ، اهْدِنِي لِمَا اخْتَلَفَ فِيهِ مِنَ الْحَقِّ بِإِذْنِكَ إِنَّكَ تُهْدِي مَنْ تَشَاءُ إِلَى صِرَاطٍ مُسْتَقِيمٍ»

«Аллохумма робба Жиброийла ва робба Мийкойла ва Исрофийла, фотирос-самаваати вал-арзи, оолимал-гайби ваш-шахадати анта тахкуму байна ибодика фимаа коону фийхи яхталифуун, ихдиний лимахтулифа фийхи минал-хакки би-изника иннака тахдий ман ташаау ила сиротим-мустакийм» Муслим ривояти. Маъноси: «Эй Аллох, Жаброилнинг роббиси, Мийкоил ва Исрофилнинг роббиси, эй ер ва осмонларни яратувчиси, эй гайбни ва ошкор (зохир)ни билгувчи, сен бандаларинг ўртасида улар ихтлоф килган нарсаларида хукм киласан, мени ихтилоф килинган (нарсанинг) хак (бўлган томони)га ўз изнинг билан хидоятла. Сен хохлаган кишингни тўгри йўлга бошлайсан.

Ушбу дуоларнинг барчасини жам килиб ўкимайди. Балки, гохо унисини ва гохо эса бошқасини ўкийди. Агар шундай килса суннатни барча кўринишда адо этган бўлади.

Кейин «أعوذ بالله من الشيطان الرجيم، بسم الله الرحمن الرحيم» «Аъзузу биллахи минаш-шайтонир рожийм, бисмиллахир рохманир рохиим» дейди ва фотиха сурасини ўкийди. Фотиха сураси етти оятдан иборат, аввали (الحمد لله رب العالمين) ва охири (غير (غیر) (المغضوب عليهم ولا الضالين), бунинг далили; Абу Хурайра пайгамбар саллаллоху алайхи ва салламдан ривоят килган хадис кудусийда Расулуллох саллаллоху алайхи ва саллам дедилар: «Аллох таъоло деди: «Намозни ўзим билан бандам ўртасида икки қисмга бўлдим, бир қисми менга ва бир қисми бандамга, бандамга сўраган нарсаси. Банда (الحمد لله رب العالمين) деса: Аллох таъоло бандам менга хамд айтди дейди. Банда (الرحمن الرحيم) деса: Аллох таъоло бандам менга сано айтди дейди. Банда (مالك يوم الدين) деса: Аллох таъоло бандам мени улуглади дейди. (إياك نعبد وإياك نستعين) деса: Аллох таъоло дейди: бу мен билан бандам ўртамизда, бандам учун сўрагани. (اهدنا الصراط المستقيم.....) деса бу бандам учун бандамга сўрагани- дейди.

Муслим ривояти. Мазкур хадис билан фотиханинг аввалги ояти (الحمد لله رب العالمين) эканлиги ойдинлашди.

Басмала (Бисмиллахир рохманир рохим) куръон оятларидан, лекин у хар бир суранинг аввалги ояти эмас. Балки, у бароат сурасидан бошка хар бир суранинг аввалида келтириладиган мустакил оятдир. Бароат сурасида басмала йўк, унинг ўрнига айтиладиган бадал хам йўк. Аммо куръоннинг баъзи нусхаларида бароат сурасининг бошланишида куръоннинг хомишига кўйиладиган «Аъзу биллахи минан-нор ва мин кайдил-фужжор ва мин газабил-жаббор, ал-иззату лиллахи ва лиросулихи ва ллмумининйн» хатодир. Бу дуода басмала хам йўк басмалага далолат киладиган маъно хам йўк.

Фотихани ўкиб бўлганида омин дейди, маъноси: Эй Аллох кабул эт, у кабул эт маъносидаги амр феълининг исмидир.

Кейин куйидаги тартибга биноан бир сурани ўқиши керак;

-Шом намозида муфассалнинг киска сураларидан.

-Бамдод намозида муфассалнинг узун сураларидан.

-Бошка намозларда муфассалнинг ўрта сураларидан.

Муфассалнинг аввали Коф сураси ва охири ан-Нос сурасидир, муфассалдеб исмланишининг сабаби, бу сураларда тинишларининг кўплигидир.

Муфассалнинг узунлари «Коф» дан «Амма»гача, ўрталари «Амма»дан «аз-Зухо»гача. Кискалари «аз-Зухо»дан «ан-Нос»гача. Гохида шом намозида муфассалнинг узунларидан ўқиш суннатдир, Расулulloх саллalloху алайхи ва салламдан собит бўлишича, ул зот шом намозида «ат-Тур» ва «ал-Мурсалот» ни ўкиганлар Бухорий ва Муслим ривояти.

Фотиха билан бир сурани ўкиганидан кейин руку қилиш учун такбир айтган холда икки кўлини (елкаси ёки кулок юмшоклари баробарига) кўтаради, кейин кейин икки кўлини икки тиззаси устига бармоқларининг оараларини очик холда кўяди, билақларини ёнбошидан узокрок тутуди, белини боши (энсаси) билан тенглаштиради. Ойиша -розияллоху анхо- деди: « пайгамбар саллalloху алайхи ва саллам руку қилса бошини кўтармас эди, тўгри хам қилмас эди. Балки, шу иккисининг ўртасида тутар эди» имо Ахмад, Муслим ва Абу Довуд ривоятлари.

Рукуда турганда ушбу тасбех ва дуоларни айтади: Уч марта «سُبْحَانَ رَبِّيَ الْعَظِيمِ» «субхана роббиял Азим» Ахмад ва Абу Довуд ривояти. Маъноси: улуг роббимни (барча камчиликлардан) поклайман. «سُبْحَانَكَ اللَّهُمَّ رَبَّنَا وَبِحَمْدِكَ اللَّهُمَّ اغْفِرْ لِي»

«субханака аллохумма ва бихамдика аллохуммагфирлий» Бухорий ривояти. маъноси: Эй Аллох, эй роббим сени (барча камчиликлардан) поклайман, (ошкор ва махфий неъматларингга) хамд айтаман, эй Аллох гуноҳларимни кеч.

«سُبُّوحٌ قُدُّوسٌ رَبُّ الْمَلَائِكَةِ وَالرُّوحِ» «суббухун, куддусун, роббул-малааикати вар-рух» Ахмад, Муслим Насоий ва Абу Довуд ривояти. Маъноси: (менинг роббим) улуг, мукаддас, фаришталарнинг ва Рух(Жаброил) нинг роббисидир. Рукуъда турганда Аллохни кўпрок улуглайди (яъни юкоридаги тасбехлар билан).

Кейин «سَمِعَ اللَّهُ لِمَنْ حَمِدَهُ» «самиъаллоху лиман хамида» маъноси: Аллох хамд айтган кишидан хамдини кабул қилди,- деб икки кўлини елкаси ёки кулок юмшоклари рўбарўсига кўтарган холда бошини рукуъдан кўтаради. Мана шу туришда Сахл ибн Саъднинг сўзига кўра ўнг кўлини чап кўлининг устига кўяди. Сахл деди: «одамлар намозда киши ўнг кўлини чап билагининг устига кўйишга буюрилар эдилар» Ахмад ва Бухорий ривояти. Бу хадисдаги «намозда» сўзи умумийдир, бундан

саждадар руку ва каъда мустаснодир. Чунки, саждада кўл ерга кўйилади. Каъдада сон устига кўйилади. Рукуъда эса тизза устига кўйилади. Рукуъдан аввалги ва рукуъдан кейинги киём «намозда» сўзининг умумий маъносига дохиллигича қолади.

Рукуъдан кўтарилганда «**رَبَّنَا لَكَ الْحَمْدُ**» «роббана лакал-хамд» дейди, Бухорий ва Муслим ривояти. Маъноси: Эй роббимиз барча хамдлар сенингдир.

Ёки «**رَبَّنَا وَلَكَ الْحَمْدُ**» «роббана валкал-хамд» дейди, Бухорий ва Муслим ривояти.

Ёки «**اللَّهُمَّ رَبَّنَا لَكَ الْحَمْدُ**» «аллохумма роббана лакал-хамд» дейди, Бухорий ва Муслим ривояти. Маъноси: Эй Аллох роббимиз барча хамдлар сен учундир.

Ёки «**اللَّهُمَّ رَبَّنَا وَلَكَ الْحَمْدُ**» «аллохумма роббана валакал-хамд» дейди, Муслим ривояти. Ушбу тўрт сифатнинг барчасини бир вақтда айтмайди. Балки, гоҳида бирини ва гоҳида эса бошқасини айтади. Мана шу қоида толиб илм фахмлаши лозим: Агар ибодатлар турли кўринишларда бўлса, гоҳида у, гоҳида эса бу кўринишида қилинади. Бунинг уч фойдаси бор;

Биринчи: Суннатни барча кўринишларида адо этиш.

Иккинчи: Суннатни сақлаш, агар сен икки сифатнинг бирига бепарво бўлсанг ёддан чиқади.

Учинчи: Киши бу суннатни одат йўсинида қилмаслиги керак, чунки, одамларнинг кўпчилиги бир суннатни ушлайдиган бўлсалар уни одат қилиб оладилар, натижада адо этаётган ҳолларида бу амалнинг суннатлигини ҳаёлларига келтирмайдилар. Аммо у гоҳида уни, гоҳида эса буни айтишга одатланган бўлса, суннатга доимо огоҳ бўлади.

Агар намоз ўқувчи маъмум (муктадий) бўлса «самияллоху лиман хамида»ни айтмайди, Расулуллох саллаллоху алайхи ва саллам дедилар: «**Агар имом самияллоху лиман хамида деса, «Аллохумма роббана валакал-хамд» денглар Муслим ривояти. Буни рукуъдан кўтарилаётганда айтади. «аллохумма роббана валакал-хамд»ни юкорида зикр қилинган тўрт сифатининг бирида айтганидан сўнг:**

«**مِلْءَ السَّمَوَاتِ وَمِلْءَ الْأَرْضِ وَمِلْءَ مَا بَيْنَهُمَا وَمِلْءَ مَا شِئْتَ مِنْ شَيْءٍ بَعْدَهُ، أَهْلُ النَّسَاءِ وَالْمَجْدِ، أَحَقُّ مَا قَالَ الْعَبْدُ وَكَلْنَا لَكَ عَبْدًا، لَا مَانِعَ لِمَا أُعْطِيَ وَلَا مُعْطِيَ لِمَا مَنَعْتَ وَلَا يَنْفَعُ ذَا الْجَدِّ مِنْكَ الْجَدُّ**»

«Милъас-самаваати ва милъал-арзи ва милъа маа байнахумаа, ва милъа маа шъъта мин шайъин баъдаху, ахлус-санааи вал-мажди, ахакку маа колал-абду, ва куллунаа лака абду, лаа мониъа лима аътайта, валаа муътия лимаа манаъта, вала янфаъу зал-жадди минкал-жадду» дейди, Муслим ва Насоий ривояти. Маъноси: Осмонлар тўла, Ер тўла, иккисининг ўртаси тўла ва булардан кейинги сен хоҳлаган нарсалар тўла хамд сен учундир. Эй роббимиз сен мактов ва улугворликка лойиксан, бу (сўзлар) банда айтган мактовлврнинг ҳақлирогидир, барчамиз сенга бандамиз. Сен берган нарсани қайтарувчи йўк, Сен қайтарган нарсани бергувчи йўк. Сенинг олдинда салтанат ва улуглик соҳибига улуглиги фойда бермайди. Кейин кўллари кўтармасдан сажда учун такбир айтади. Ибн Умар деди: «буни саждада қилмас эди» (яъни Расулуллох саллаллоху алайхи ва саллам саждага такбир айтганда кўллари кўтармас эди.)

саждага бораётганда аввал кўллари эмас балки тиззаларини кўяди. Расулуллох саллаллоху алайхи ва саллам дедилар: «**сизлардан бирингиз сажда қилса туя чўкканидек чўкмасин**» Бухорий ривояти. Туя чўқаётганида аввал кўл (олдинги оёк) ларидан бошлагани сабабли юзи билан чўқади. пайгамбар саллаллоху алайхи ва саллам киши саждага бораётганда кўллари аввал кўйишидан қайтарди. Чунки, у шундай қилса туя чўккани каби сажда қилган бўлади. Хадиснинг далолати мана

шудир, бу куйидаги сўзни айтганларга хилофдир: бу хадис аввал кўлланингни такдим қилиб тиззаларингга йикилмаслигингга далолат қилмайди. Чунки, туя чўкаётганида аввал тиззасига йикилади, Расулуллох саллаллоху алайхи ва саллам эса туя чўкаётган аъзолар билан чўкмасин демадилар... Агар шундай десалар эди, биз ҳам балли, тиззанг билан йикилма, чунки туя тиззаларига йикилади дер эдик. Лекин Расулуллох саллаллоху алайхи ва саллам «**туя чўккани каби чўкмасин**» дедилар. Демак, кайтариш киши саждага йикилаётганда аввал кўядиган «аъзо» хакида эмас, балки, «сифат» хакида экан. Хадисда ворид бўлган буйрук мулохаза қилган киши учун жуда ҳам ойдиндир. Ўзимизни кийнаб, кўп бош котириб туянинг тиззаси кўли (олдинги оёғи) да, у тиззалари билан йикилади дейишимизга хожат йўқ. Биз бу каби тортишувдан беҳожатмиз. Кайтариш сажда қилаётганда унга йикиладиган аъзо хакида эмас, балки сифат хакида эканлиги равшандир. Шунинг учун ҳам Ибн Каййим - роҳимахуллох- «Зодул-маъод» номли китобида шундай дейди: «хадиснинг охиридаги **«икки кўлини икки тиззасидан аввал кўйсин»** дегани хадисни ривоят қилувчига алмашиб қолган. Чунки бу хадиснинг аввалига тўғри келмайди. Демак биз мисолни эмас аслини оламиз, **«икки кўлини икки тиззасидан аввал кўйсин»** дегани мисол тарикасида айтилган. Агар биз буни хадиснинг аслига қайтармоқчи бўлсак, хадиснинг тўғриси **«икки тиззасини икки кўлидан аввал кўйсин»** бўлади. Демак саждага бораётганда аввал тиззасини, кейин кўлини, кейин кўлини, кейин пешонасини ва бурнини кўяди.

Расулуллох саллаллоху алайхи ва салламнинг сўзларига биноан етти аъзо билан сажда қилинади. **«етти суяк устига сажда қилишга буюрилдик»** сўнгра Расулуллох саллаллоху алайхи ва саллам буларни батафсил баён қилдилар; **«пешонага, икки кафтга, икки тиззага ва икки оёқ учларига»** Бухорий ва Муслим ривояти. Намоз ўқувчи мана шу аъзоларига сажда қилади. Икки тирсагини ерга ҳам, икки тиззасига ҳам кўймайди ҳамда икки ёнбошидан узоклаштиради. Корнини сонларига теккизмасдан белини кўтариб туради.

Баъзи одамлар қилганидек белини чўзмайди, у белини шу даражада чўзадик қараб туриб: бу сажда қилаяпдими, ёки узула тушиб ётибдими? – дейсан. Саждада белни чўзилмайди. Балки, белни корин билан сон ўртаси узоклашадиган микдорда кўтаради. Шунинг учун ҳам Расулуллох саллаллоху алайхи ва саллам «саждада мўътадил бўлинглар» дедилар. Мана бу чўзилишни саждада қилаётган баъзи кишилар уни суннат деб ўйлашади, хақиқатда эса у суннатга хилофдир. Унда инсон учун огир машаккат бордир; чунки у чўзиладиган бўлса гавданнинг огирлиги пешонага тушади, бўйни эгилади ва бу хол унга огир келади. Хар холда бу суннат бўлса инсон уни тахаммул қилган бўлар эди лекин у суннат эмас.

Саждада турганда куйидаги тасбеҳларини айтади: уч марта **«سُبْحَانَ رَبِّيَ الْأَعْلَى»** «субхана роббиял-аълаа» дейди. Имом Ахмад, Абу Довуд ва Ибн Можжа ривояти. Маъноси «Олий роббимни поклайман»

«Субханака аллохумма роббана ва бихамдика, аллохум-магфирли»

«سُبْحَانَكَ اللَّهُمَّ رَبَّنَا وَبِحَمْدِكَ اللَّهُمَّ اغْفِرْ لِي» имом Бухорий ва Муслим ривояти. Маъноси эй Аллох, эй Роббим сени (барча камчиликларидан) поклайман ва (ошкор ва махфий неъматларингга) ҳамд айтаман, эй Аллох гунохларимни кеч.

«суббухун куддусун» **«سُبُوْحٌ قُدُّوسٌ»** Муслим ривояти.

Саждада дуони кўпайтиради. Расулуллох саллаллоху алайхи ва саллам дедилар: «Огох бўлинглар мен рукуъ ва сажда қилган холда куръон ўқишдан қайтарилдим,

рукуъда Аллохни улугланглар, саждада эса дуони кўпайтиринглар бу холдаги дуоларингиз ижобат бўлишга лойикдир. Муслим ривояти. Чунки бу банданинг роббисига энг якин бўлган холатидир. Пайгамбар саллаллоху алайхи ва саллам дедилар: «банданинг роббисига якинрок бўлиши сажда холидадир» Бухорий ривояти. Лекин шуни мулохаза килгинки; агар сен имом билан бўлсанг имомга мутобаъат килишинг ва саждада дуо учун турмаслигинг лозим. Чунки Расулуллох саллаллоху алайхи ва саллам дедилар: «Агар (имом) сажда килса, сажда килинглар, рукуъ килса рукуъ килинглар» Бухорий ривояти. Демак биз имомга эргашишга ва ундан кеч колмасликка буюрилганмиз.

Кейин саждадан «Аллоху акбар» деб туради.

Икки сажда ўртасида «муфтариш» холда ўтиради. Унинг кайфийяти куйидагича: чап оёкни –оёк деганда оёкнинг тўпикдан пастки қисми назарда тугилмоқда- ёзиб устига ўтиради, ўнг оёкни ўнг томонида тик тутлади. Ўнг кўлини ўнг сонининг устига ёки тиззасининг бош томонида кўяди. Чап кўлини чап сонининг устига кўяди ёки тиззасини тутиб туради. Бу икки сифат Расулуллох саллаллоху алайхи ва салламдан ворид бўлган.

Ўнг кўлининг жимжилоги, кейинги –номсиз- бармогини, ўрта ва бош бармоқларини йигади, ёки бош бармоги билан ўрта бармогини халка килади, кўрсатгич бармоқ ёзилганича қолади, факат дуо килгандагина кимирлатади. Масалан «Роббиг-фирли» «رَبِّ اغْفِرْ لِي» деганда кўтаради (ва туширади) «вархамни» «وَأَرْحَمْنِي» деганда кўтаради (ва туширади). Шу кабилда хар жумлайи дуоийяда кўтариб туширади. Чап кўл эса ёзилганича туради. Менинг билишимча Расулуллох саллаллоху алайхи ва салламдан ўнг кўлнинг ёзилиб туриши хакида хадис келган эмас. Балки ул зотнинг жимжилок ва кейинги бармоқларини йиганлари ривоят килинган. Ибн Умарнинг -розияллоху анху- бу хусусда ривоят килган хадисларининг баъзи лафзларида «Агар намозда¹ ўтирса» Муслим ривояти, яна бир ривоятида «Агар ташаххудда² ўтирса» Ахмад ривояти, деб келган. Буни¹ ташаххудга чеклаш намознинг хаммасида ом эмас эканини англатади. Чунки усулчиларнинг сўзларидан рожихи: умум зикр килинса, кейин умумнинг бир бўлаги умумга мувофик келадиган хукм билан зикр килинса, у хослашни такозо этмайди.

Мисол учун: талабаларни икром килди десанг, сўнгра фалончини икром килди десанг –холбуки фалончи хам талабалардан. Мана шу холда фалончини зикр килиш икромни унгагина хослашни такозо этмайди. Шунингдек Аллох таъоло «у кечада фараишталар ва Рух тушади» деганида Рух (Жаброил)нинг зикри колган фатишталарни тушиш маъносидан чиқариб юбормайди. Демак умумнинг бирликларидан баъзиси умумга мувофик келадиган хукм билан зикр килиниши хослашни такозо килмайди. Лекин бу, бирликни зикр бўлишини такозо келадиган сабаб бўлади. Бу сабаб ана шу бирликка эътибор килиш учун, ёки бошка нарса учун бўлади.

Мен шу вақтга қадар икки сажда ўртасида ўтирганда ўнг кўлини ўнг сонининг устига ёзиб кўйиш хакида ворид бўлган хадисни билмайман. Бу ҳақда зикр килинган хадисда кўлнинг –кўрсатгич бармоқдан бошка барча- бармоқлари йигилган бўлиши айтилган. Бу холат имом Ахмаднинг муснадларида Воил ибн Хужрнинг ривоятларида очик айтилган. Ахли илмларнинг баъзилари бу хадиснинг иснодини яхши дейишган.

¹ -Бу хадисда «намозда» деб умумий зикр килган.

² -Бу хадисда «ташаххудда» деб хос зикр килган.

Баъзилари бу хадиснинг иснодида тортишишган. Лекин биз бу тортишувлардан беҳожатмиз. Бизга шундай дейишимиз кифоя; ўнг кўл учун суннатда ворид бўлган сифат бармоқларни йигиб туриш, кўлни ёзиб туриш эса ворид бўлмаган. Демак икки сажда ўртасидаги ўтиришда кўлнинг ёзилиб туришини баён киладиган суннат ворид бўлгунига қадар кўл бармоқлари йигилганича қолаверади. Икки сажда ўртасида ўтирганда «رَبِّ اغْفِرْ لِي وَارْحَمْنِي وَاهْدِنِي، واجْبُرْنِي وَعَافِنِي وَارْزُقْنِي» «Роббиг-фирлий вархамний вахдиний важбурний ва оофиний варзукний» дейди, Термизий ва Абу Довуд ривояти. Маъноси: Эй роббим гуноҳларимни кеч, менга раҳм эт, мени хидоятла, мени беҳожат қил, менга офият ато қил ва мени ризклантир. Буни имом ҳам, муктадий ҳам, ёлғиз ўқувчи ҳам айтади.

Агар сен айтсанг: имом қандай қилиб бирлик сийгасида дуо қилади, Холбуки Расулуллоҳ саллаллоҳу алайҳи ва салламдан: Бир киши имом бўлса ва дуони ўзига хосласа «маъмумларга хиёнат қилибди» дегани ривоят қилинган?

Бунга жавоб: бу хадис маъмум омин айтиб турадиган дуодадир. Агар имом шу дуони бирлик сийгасида ўқиса маъмумларга хиёнат қилган бўлади. Масалан: Расулуллоҳ саллаллоҳу алайҳи ва саллам кунут дуосини Хасан ибн Алига - розияллоҳу анҳумо- бирлик сийгасида ўргатдилар. «اللَّهُمَّ اهْدِنِي فِيمَنْ هَدَيْتَ» Аҳмад, Абу Довуд ва Термизий ривояти. Маъноси «Эй Аллоҳ хидоятлаган бандаларинг қаторида мени ҳам хидоятла». Агар имом «اللَّهُمَّ اهْدِنِي فِيمَنْ هَدَيْتَ» яъни: «Эй Аллоҳ хидоятлаган бандаларинг қаторида мени ҳам хидоятла» деса, бу хиёнат бўлади. Чунки маъмум омин дейди, имом бўлса дуони ўзига хослади маъмумларни тарқ қилди. Демак имом «اللَّهُمَّ اهْدِنَا فِيمَنْ هَدَيْتَ» Маъноси: «Эй Аллоҳ хидоятлаган бандаларинг қаторида бизни ҳам хидоятла» десин ва маъмумлар омин деб турадиган дуоларни ўзига хосламасин, чунки бу хиёнат бўлади.

Кейин иккинчи саждани ҳам аввалгиси қаби адо этади.

Кейин икки тиззасига суяниб, такбир айтиб ўтирмасдан иккинчи ракаатга туриб кетади. Бу имом Аҳмаднинг мазхабида машхур, бошқа бир қавлда ўтиради кейин кўлларига суяниб туради дейилган. Бу имом Шофеъийнинг мазхабида машхур. Бу ўтириш уламоларнинг олдида «жалсатул-истироҳа» - дам олиш ўтириши- номи билан машхур.

Уламолар -роҳимаҳумуллоҳ- бу ўтиришнинг машруълигида ихтилоф қилишган: баъзилари деган: Агар иккинчи ёки тўртинчи ракаатга турадиган бўлсанг ўтиргин, кейин икки кўлингга ҳамир қилувчининг сифатида –агар бу ҳақдаги хадис саҳих бўлса, ёки бу хадисни заиф дегувчиларнинг олдида- бошқа сифатда суяниб тургин. Мухими улар шу ўтиришда ихтилоф қилишган. Баъзилари мутлақо мустаҳаб деса, бошқалари мутлақо мустаҳаб эмас дейдилар. Яна бир қисмлари эса батафсил қилиб бундай дейдилар: Агар сен бу ўтиришга заифлик, кексалик, касаллик ёки шу қаби сабабларга қўра муҳтож бўлсанг ўтир, кейин тур. Аммо бу ўтиришга эҳтиёжинг бўлмаса ўтирма. Бу қисм ўз фикрини қуйидаги далиллар билан қувватлайди; ушбу ўтириш учун хос дуо йўқ, бу ўтиришдан туриш учун такбир ҳам йўқ, саждадан қиёмга туриш учун бир такбир бор ҳолос. Демак бу ўтириш зоти учун мақсад қилинган амал эмас экан. Чунки намоздаги зоти учун мақсад қилинган ҳар бир амал учун хос зикр, аввалида ва кейинида айтиладиган такбирнинг бўлиши лозим. Бунга Молик ибн ал-Хувайриснинг хадисидаги «икки кўлига суянади» дегани ҳам далолат қилади. Қўлга суяниш қўпинча тезда туриб кетиш имкониятидан манъ қиладиган эҳтиёж ва баданнинг оғирлигидан бўлади.

Шунинг учун айтамыз: Агар сен шу ўтиришга мухтож бўлсанг ўзингни кийнаб саждадан киёмга бирданига турма. Аммо бу ўтиришдан беҳожат бўлсанг, саждадан киёмга бирданига туриб кетмогинг авлорокдир. Бу «мугний»нинг сохиби –Муваффақ исми билан танилган ибн Кудома- танлаган фикрдир. У имом Ахмаднинг катта асхобларидан. Ибн Каййим ҳам «зодул-маъод» номли китобида бу фикрни ихтиёр қилган деб ўйлайман.

Мугнийнинг сохиби айтади: бу фикрда барча далиллар жамълангандир, -яъни бу ўтиришнинг исботи ёки нафйи учун бўлган далиллар. Бу фикрнинг устунлиги – менинг олдимда- етарли даражада бўлмасада, бу масалада итлоқдан кўра тафсил устунрок. Чунки бу менинг тушунчамда ўтиришга карши келмайди. Бу ўтиришнинг хукми менинг олдимда уч мартабадан иборат:

Биринчи: Бу ўтиришга эҳтиёж бўлса унинг жоизлигида шубҳа йўқ.

Иккинчи: Мутлақо жоиз, бу хукм устунликка якинрок.

Учинчи: Мутлақо жоиз эмас, бу менинг олдимда заифдир. Чунки бу ўтириш хақида хадислар собитдир. Бирок, бу хадислар мутлақо собитми, ёки эҳтиёж бўлгандами? Масаланинг мушкуллиги шу ерда. Менинг олдимда оз бўлсада устун келаётгани, бу ўтириш эҳтиёж бўлсагина жоиз.

Иккинчи ракаатни ҳам биринчи ракаат каби адо этади. Бирок, кириш дуоси (сано)ни ўқимайди. Таъаввузга келсак (аъзузу биллахи минаш-шайтонир –рожим) уламолар ўртасида бу тўғрида хилоф бор. Баъзилари хар ракаатда айтади дейди. Бошқалари эса фақат биринчи ракаатда айтади дейди.

Иккинчи ракаатни ўқиб бўлгач ташаххудга ўтиради. Бу ўтириш худди икки сажда ўртасида ўтириш каби бўлади. Ташаххудни ўқийди, ташаххуд ҳам бир неча суратда келган. Биз ташаххудда ҳам кириш дуосида айтганимизни айтамыз. Яъни киши намозида гоҳо ибн Аббоснинг ташаххудини ўқиса, гоҳида эса ибн Масъуднинг ташаххудини ўқисин ваҳоказо бундан бошқа Расулulloх саллalloху алайхи ва салламдан ворид бўлган суратларида ўқисин.

«التَّحِيَّاتُ لِلَّهِ وَالصَّلَوَاتُ وَالطَّيِّبَاتُ، السَّلَامُ عَلَيْكَ أَيُّهَا النَّبِيُّ وَرَحْمَةُ اللَّهِ وَبَرَكَاتُهُ السَّلَامُ عَلَيْنَا وَعَلَى عِبَادِ اللَّهِ الصَّالِحِينَ، أَشْهَدُ أَنْ لَا إِلَهَ إِلَّا اللَّهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ»

Бухорий ривояти. «Аттахийя'ту лилла'хи вас-солава'ту ват-тоййиба'т, ассала'му алайка айюхан-набийю ва рохматулло'хи ва барока'туху, ассала'му алайна' ва ала' иба'диллахис-солихи'йн, ашхаду анла' ила'ха иллалло'ху, ва ашхаду анна Мухаммадан абдуху ва росулух» Маъноси: «Барча кутловлар, дуолар ва ширин сўзлар¹ Аллох учундир. Эй пайгамбар сенга салом² бўлсин, ва сенга Аллохнинг раҳмати ва баракотлари бўлсин, бизларга ва Аллохнинг солих бандаларига салом бўлсин, Аллохдан ўзга ҳақ маъбуд йўқ деб гувоҳлик бераман ва Мухаммад -саллalloху алайхи ва саллам- унинг бандаси ва элчиси деб гувоҳлик бераман». Уч ёки тўрт ракаатли намозда бўлса ташаххуд (яъни ташаххудул-аввал)дан кейин кўлларини такбиратул-эхромда кўтаргани каби кўтариб такбир айтиб кейинги ракаатга туради. Колган ракаатларда фақат фотихани ўқийди. Абу Саъид ал-Худрий ривоят қилган хадисга биноан гоҳида бошқа оятларни кўшиб ўқиса ҳам бўлади.

¹ -Улар билан тасанно айтиш фақат Аллохга лойик бўлган сўзлар ва мактовлар. Уламоларнинг баъзиси деди: «аттахийя'ту» тил билан қилинадиган ибодатлар, «ассолава'т» бадан ибодатлари, «аттоййиба'т» моддий садакотлар. (сунани Аби Довудга шарҳ қилиб ёзилган «авнул-маъбуд» китобидан).

² -Маъноси Аллох билан химоялантириш, (химоясини Аллохга топшириш) «ас-салом» Аллохнинг исмларидан бири, «ассаламу алайка» нинг маъноси: Аллох сенинг хомийинг ва сакловчинг бўлсин дегани.

Кейин уч ёки тўрт ракаатли намозда бўлса иккинчи ташаххудга ўтиради. Бу ташаххудда ўтириш кайфийяти биринчи ташаххуддагидан фаркли бўлади. Чунки у таваррук килиб ўтиради, таваррукнинг уч сифати бор:

Биринчи сифат: ўнг оёкни тик килади, чап оёкни болдирнинг остидан чикаради ва думбасига ўтиради.

Иккинчи сифат: икки оёгини ёзади ва уларни ўнг томонидан чикаради. Чап оёк ўнг болдирнинг остида бўлади.

Учинчи сифат: ўнг оёгини ёзади, чап оёгини болдир билан соннинг орасига кўяди.

Мана шу таваррукнинг уч сифати. Буни ҳам гохида унисини, гохида эса бунисини килиш керак.

Танбех: Бу уч ўтиришнинг хаммасида думбага ўтирилади.

Айтилган сифатда ўтирганидан кейин ташаххудни ва унга куйидагиларни кўшиб ўқийди.

«اللَّهُمَّ صَلِّ عَلَى مُحَمَّدٍ، وَعَلَى آلِ مُحَمَّدٍ، كَمَا صَلَّيْتَ عَلَى إِبْرَاهِيمَ، وَعَلَى آلِ إِبْرَاهِيمَ، إِنَّكَ حَمِيدٌ مَّجِيدٌ. اللَّهُمَّ بَارِكْ عَلَى مُحَمَّدٍ، وَعَلَى آلِ مُحَمَّدٍ، كَمَا بَارَكْتَ عَلَى إِبْرَاهِيمَ، وَعَلَى آلِ إِبْرَاهِيمَ، إِنَّكَ حَمِيدٌ مَّجِيدٌ.»

Бухорий ва Муслим ривояти. «Аллохумма солли ʔала Мухаммадив- ва ала аʔли Мухаммад, камаʔ соллайта ʔала Иброхима ва ʔала аʔли Иброхим иннака Хамидум-Мажид. Аллохумма борик ʔала Мухаммадив- ва ʔала аʔли Мухаммад, камаʔ боракта ʔала Иброхима ва ʔала аʔли Иброхим иннака Хамидум-Мажид». Маъноси: «Эй Аллох Иброхимга ва Иброхимнинг ахлига салот¹ йўллаганинг каби Мухаммадга ва Мухаммаднинг ахлига салот йўллагин, албатта сен макталган улуг зотсан Эй Аллох Иброхимга ва Иброхимнинг ахлига баракот берганинг каби Мухаммадга ва Мухаммаднинг ахлига баракот бер, албатта сен макталган улуг зотсан».

Салавотдан кейин бу дуони ўқийди:

«أَعُوذُ بِاللَّهِ مِنْ عَذَابِ جَهَنَّمَ وَمِنْ عَذَابِ الْقَبْرِ وَمِنْ فِتْنَةِ الْمَحْيَا وَالْمَمَاتِ وَمِنْ فِتْنَةِ الْمَسِيحِ الدَّجَالِ»

«Аъзузу биллахи мин азаʔби жаханнам ва мин азаʔбил-кабри ва мин фитнатил-махёʔ вал-мамаʔт ва мин фитнатил-масийхид-дажжаʔл» Муслим ривояти. Маъноси: «Жаханнам азобиадн, кабр азобидан, хаёт ва мамот² фитнасидан хамда масийхид-дажжол фитнасидан Аллохга илтижо киламан». Кейин дунё ва охират яхшиликларидан истаган нарсасини дуо килиб сўрайди.

Расулulloх саллalloху алайхи ва саллам охирги каъдада ушбу тўрт нарсдан Аллох билан панохланишга буюрганлар. Бу хадис имом Муслимнинг сахиҳида собит бўлган. Уламоларнинг баъзиси деди: каъдаи охирда бу тўрт нарсдан панох сўраш вожибдир. Чунки Расулulloх саллalloху алайхи ва саллам бунга буюрган. Бугунги кунда кўп кишилар бунга ахаммият килмайдилар. Уларнинг пайгамбар саллalloху алайхи ва салламга салавот айтишлари билан ул зотнинг ўзи бу тўрт нарсдан Аллохдан панох сўрашга буюрганига карамасдан намоздан салом бераётганларини топасан. Товус -роҳимахуллох- (у тобеъинлардандир) бу тўрт нарсдан Аллохдан

¹ - Аллохнинг пайгамбарига салавоти: унга бўлган саноси ва улуглашидир. Бу Аллохнинг салоти хақида айтилган маъноларнинг энг яхшисидир.

² - ибн Дакик ал-Ийд деди: «Хаёт фитнаси инсонга хаёти давомида дуч келадиган дунёга, шахватларга ва нодонликларга мубтало бўлишидир. Буларнинг энг каттаси эса Аллох сакласин ёмон оқибат билан вафот килиш. Мамот фитнасидан ўлим олдидаги фитна мурод бўлиши мумкин, унинг мамотга изофа килиниши фитнанинг мамотга якин бўлганлиги учундир. Агар шундай дейилса хаёт фитнасидан мурод бундан аввалгилари бўлади. Мамот фитнасидан мурод кабр фитнаси бўлиши хам мумкин. Чунки уларнинг кабрларида фитналанишлари сахиҳ хадисларда келган.

панох сўрамаган кишини намозини кайта ўқишга буюрар эди. У бу буйрукни ўз ўглига ҳам қилган. Сен шу тўрт нарсдан панох сўрашинг лозимдир. Чунки бу нарсалардан панох топишда дунё ва охират саодати бор. Кейин ўнг томонингга

«السَّلَامُ عَلَيْكُمْ وَرَحْمَةُ اللَّهِ» «Ассала'му алайкум ва рохматуллох» ва чап томонингга ҳам «السَّلَامُ عَلَيْكُمْ وَرَحْمَةُ اللَّهِ» «Ассала'му алайкум ва рохматуллох» деб салом берасан. Шу билан намоз тугайди.

Агар намоз ўқувчи Аллохга дуо қилмокчи бўлса, дуосини ташаххуддан¹ кейин саломдан олдин қилса яхши бўлади. Дуосида дунё ва охират яхшиликларидан хоҳлаганини сўрайди. Илм ахлларида баъзиси деди: Дунёга таъаллуқли нарсаларни сўраб бўлмайди. Уларнинг бу сўзлари заифдир. Чунки у Расулуллох саллаллоху алайхи ва салламнинг «**Сўнгра хоҳлаган дуосини қилсин**» Бухорий ва Муслим ривояти. Деган умумий маънодаги сўзига хилофдир. Агар сен дуо қилмокчи бўлсанг салом беришингдан аввал қил. Биз юкоридаги хадисдан бугунги кунда одамларнинг кўпчилиги одатланиб олган намоздан кейин ўтириб олиб –суннати муаккададек ушлаб олишган- дуо қилишлари далилсиз амал эканини билиб олдик. Суннатга мувофик дуо қилиш саломдан олдиндир.

Мана шу биз Расулуллох саллаллоху алайхи ва салламнинг суннатидан билган намознинг сифтидир. Хар бир мусулмон Расулуллох саллаллоху алайхи ва салламнинг ушбу «**Менинг намоз ўқиганимни кўрганинглардек намоз ўқинглар**» -Бухорий ва Муслим ривояти- деган сўзини ўзида гавдалантиришга ва шу рисолада баён қилинган намознинг сифатини татбиқ қилишга харис бўлмоги керак.

Менимча киши учун намозини суннатга мувофик қилиб олганидан кейинги энг мухим нарса қалбнинг хозирлигидир. Чунки, хозирги замонда турли хаёллар ва васвасалар намозга кириши билан унга ҳукмрон бўлади. Намозини тугатиши билан бу хаёллар ва васвасалар учиб кетади.

Аллох билувчирокдир, ва саллаллоху ъала Мухаммадив-ва ъала а'лихи ва сохбихи ажмаъийн.

¹ - ташаххуддан мурод ташаххуд ва салаватдир.

¹ -сўз қўлни қандай тутиш ҳақида бормокда.

2- улар билан тасанно айтиш факат Аллохгагина лойик бўлган